

CUSSEGL GROND

Sessiun da december 2022

Dumonda Kappeler concernent l'acceleraziun da la decisiun davart l'effect suspensiv en las proceduras da submissiun

Tar las acquisiziuns publicas han las partidas perdentas d'ina procedura d'invit e d'ina procedura averta resp. selectiva in dretg da far recurs tar la Dretgira administrativa. Sch'in recurs vegn inoltrà, vegn per regla fatga a medem temp la dumonda da conceder l'effect suspensiv. In termin areguard la decisiun davart l'effect suspensiv n'enconuscha la legislaziun grischuna betg. Ina tala decisiun po durar mais. Per tut las personas participadas chaschuna quai ina malsegirezza giuridica considerabla e retards che han eventualmain consequenzas gravantas.

En l'Ordinaziun davart las acquisiziuns publicas (OAP; SGS 841.11) ha il chantun Son Gagl fixà, ch'il president da la Dretgira administrativa sto decider da princip entaifer in termin regular da 10 dis suenter l'entrada dal recurs davart la dumonda da conceder l'effect suspensiv.

Cun l'intenziun d'accelerar las proceduras da recurs supplitgeschan las sutsegnadras ed ils sutsegnaders la Regenza da responder las suandantas dumondas:

1. È er la Regenza da l'avis, ch'ina decisiun da la Dretgira administrativa davart l'effect suspensiv na duess betg vegnir tratga a la lunga sur plirs mais?
2. Tge pussaivladads vesa la Regenza per accelerar las decisiuns da la Dretgira administrativa davart l'effect suspensiv?
3. Tge propostas deducescha la Regenza da questas consequenzas per mauns da la legislativa?

Cuira, ils 7 da december 2022

Kappeler, Loepfe, Kuoni, Altmann, Berther, Berweger, Binkert, Bischof, Brandenburger, Collenberg, Danuser (Cuira), Della Cà, Derungs, Föhn, Gansner, Hartmann, Hohl, Jochum, Kasper, Kohler, Lamprecht, Loi, Luzio, Maissen, Mittner, Oesch, Pajic, Perl, Rageth, Rutishauser, Saratz Cazin, Schutz, Stiffler, Tanner, Thür-Suter, von Ballmoos, Walther, Wieland, Zindel